



Inatsisartunut ilaasortaq
Peter Olsen
Inuit Ataqatigiit

Ilinniartitaaneq Master i Bygningsfysik pillugu § 37 naapertorlugu apeqqummut akissut

Asasara Peter Olsen,

Ilinniartitaaneq Master i Bygningsfysik pillugu Inatsisartut suleriaasiat naapertorlugu apeqqutinnut qujavunga. Apeqqutitit matuma kinguliini akissavakka.

Aallarniutitut oqaaseqaatit:

Master i Bygningsfysik tassaavoq Danmarkimi sanaartornermut tunngasuni akunnattumik sivissussilimmik imaluunniit sivisuumik ilinniagaqarsimasunut, assersuutigalugu civil-, diplom-, akademiingeniøritut, illuliornermi konstruktøritut imaluunniit illunik titartaasartutut ilinniagaqarsimasunut, ilinniaqqinnissamat periarfissaq.

Ilinniartut ilinniarnertik aqutigalugu bygningsfysikkinut tunngasut pillugit qaffasissumik immikkuullarissumillu ilisimasaqalissapput, ilisimatusarfinni kandidatitut qaffasitsigisumut assingusumik piginnaasaqalerlutik.

Tulluurtumik ingerlaqqiffiusumik ilinniarsimanagerup saniatigut ukiuni marlunni sanaartornermi qaffasissumik misilittagaqarnissaq ilinniaqqinnissamat qinnuteqartunut piunasaqaataavoq.

Master i Bygningsfysik piffissaq kittaarlugu ilinniarnertut ilisimatusarnermik tunngavilimmik ilinniartitaaneruvoq, ilinniarnermik tamakkiisumik ukiumik ataatsimik sivissussilimmut assingusoq.

Ilinniartitaaneq ukiuni marlunni pimoorullugu naammassisinnaanngorlugu aqqissugaavoq imaluunniit piffissaq annertunerusoq atorlugu modulinngorlugit ilinniartitaaneq naammassineqarsinnaavoq, annertunerpaamilli ukiut arfinillit atorlugit.

Peqataanermut akiliisoqassaaq peqataasorlu ilinniarnermi aningaasarsiaqartinneqassaaq. Ilinniartitaaneq Ålborg universitetimi Københavni ingerlanneqarsinnaavoq.

Masterinngorniarluni ilinniarnertit ataatsimut isigalugit sulisartunut ilinniartareersimasunut suliffeqarfinnilu misilittagaqareersunut ilinniaqqinnissatut ilinniarnerule nangiinnisaanut aqqissugaasarpot. Masterinngorniarluni ilinniarneq suliffimmit sulisumiillu soqutigineqarluartumik immikkut ilisimasaqalernissamat periarfissiisarpoq taamaammallu ilinniartitaaneq annertunerusumik sulisartup suliffinni qimannagu ingerlanneqartarpoq. Taamaammatt ilinniartitaaneq aningaasartuutillu tassunga atornerqartut sulisitsisumit akilerneqartarput, sulisorlu/ilinniartorlu ilinniarnermi ilinniagaqarnerisuteqarani akissarsisarpoq.

19-07-2018
Suliap normua
Allakkat nr. 8261343

Postboks 1029
3900 Nuuk
Oqarasuaat: +299 34 50 00
Email: ikiin@nanoq.gl
www.nanoq.gl

1. Ilinniarneq, ilinniartitaaneq tassaasoq Master i Bygningsfysik, saniatigooralugu ukiuni marlunni ilinniarneqarnissaasoq, nunatsinni najugalinnit peqataaffigissallugu pinngitsoorneqarsinnaanngitsaq, allattuulli diplom & masteruddannelsitut tapiiffigineqarsinnaava?

Akissut:

Masterinngorniarluni ilinniarnert tamarmik tapiiffigineqarneq ajorput. Inatsisartut inatsisaanni § 8, imm. 1 oqaaseqatigiit siullerni atuarneqarsinnaavoq Danmarkimi ilinniagaq tapiiffigineqarsinnaasoq, ilinniagaq pineqartoq Danmarkimi Ilinniartitaanermut ministeeriaqarfimmit tapiiffigineqarsinnaasutut akuerineqarsimappat. Tamannali atuutinngilaq Naalakkersuisut aalajangiiffigisimappassuk, ilinniagaq pineqartoq tapiiffigineqarsinnaassanngitsaq.

Masterinngorniarluni ilinniagaq pineqartoq piffissaq kittaarlugu ingerlanneqarmat Danmarkimi Ilinniartitaanermut ministeeriaqarfimmit tapiiffigineqarsinnaasutut akuerineqarnikuunngilaq. Danskit ilinniagaqarnersiutinut malittarisassaata naapertorlugu (SU-loven, inatsimmik nalunaarut nr. 1037, 30. august 2017-imeersoq takuuk) ilaatigut ilinniarnertut piffissaq tamaat ilinniarnertut aaqqissuunneqarnissaa ilinniagaqarnersiuteqarfiusinnaanerannut piumasaqaataavoq.

Ilinniagaqarnersiutit pillugit Inatsisartut inatsisaanni § 8, imm. 3 naapertorlugu Naalakkersuisut Kalaallit Nunaata avataani, tassunga ilanngullugu Danmarkimi ilinniagaq, tapiiffigineqarsinnaatitaasutut akuerisinnaavaat, ilinniagaq

- 1) sivikinnerpaamik qaammatinik pingasunik sivissussuseqarpat,
- 2) piffissamik tamakkiisumik atuilluni ilinniarnertut aaqqissuussaappat,
- 3) Kalaallit Nunaanni suliffeqartitsisinnaasutut naatsorsuutigineqarpat, taamaattoq tak. § 6 ilinnialernissamut piareersarnermut tunngasoq, aamma
- 4) ilinniarfimmil pisortat akuerisaanni ingerlanneqarpat, imaluunniit suliamut tunngatillugu imarisamigut, pisortaqarnermigut, ilinniartitsisoqarnermigut avatangiisimigullu pisortat ilinniarfiinut pitsaassusissamik piumasaqaataat atuuttut naapertorlugit naammaginnartumik pitsaassuseqarpat.

Taamaammatt § 8, imm. 3-mi ilaatigut ilinniartitaanertut piffissaq tamaat ilinniarnertut aaqqissuunneqarnissaa piumasaqaataavoq.

Masterinngorniarluni ilinniagaq pineqartoq piffissaq tamaat ilinniarnertut aaqqissuussaannngimmat tapiiffigineqarsinnaanngilaq.

a. Naamiuppat; Tamanna pillugu nunatsinni najugalinnit peqataaffigalugulu ilinniarneqarsinnaalersinnaanissaa Naalakkersuisut qanoq pilersaaruteqarfigaat?

Akissut:

Akissummi kingullermi atuarneqarsinnaasutut ilinniarnertut piffissaq kittaarlugu aaqqissugaasut ilinniagaqarnersiutinik tapiisoqarsinnaanngilaq, oqaatigineqareertutullu tamanna aamma ilinniakkamut pineqartumut atuuppoq.

b. Ilinniarusuttut tapiiffigineqartalernissaat akiliunneqartalernissaallu suliniutigerusuppaat? Aappiuppat tamanna qaqugu naatsorsuutigineqarsinnaava taava?

Akissut:

Ilinniarnertit tapiiffigineqarsinnaatitaanerannut piumasaqaatit Inatsisartunit aalajangersakkat innersuussutigineqarput, siulliani akissutit takukkit.

c. Naamiuppat taava tamanna sumik peqquteqarpa?**Akissut:**

Qulaani eqqaaneqartut Danmarkimi ilinniarnertit piffissaq kittaarlugu aaqqissugaasunut ilinniagaqarnersiutitit tapiineq inatsisitigut tunngavissaqanngilaq. Oqaatigeqqinneqassaaq Masterinngorniarluni ilinniarnertit nalinginnaasumik piffissaq kittaarlugu ilinniarnertut aaqqissugaasarmata sulinerullu saniatigut ingerlanneqartarlutik, taamaammat ilinniaqqittoq ilinniarnermi akissarsiaqartarpoq.

d. Naamiuppat, peqqutaasut suut iliuuserineqassappat aporfii ammarniarlugit?**Akissut:**

Taamaaliortoqassappat inatsimmik allannguussisoqqaartariaqassaaq tamatumalu kingunerisaanik Danmarkimi piffissaq kittaarlugu ilinniagaqartut aamma ilinniagaqarnersiuteqarsinnaalissapput tamannalu tunngaviusumut, tassa piffissaq tamaat ilinniagaqartut kisimi ilinniagaqarnersiuteqartarnerannut, aamma allannguutaassaaq.

2. Naluneqanngitsut DTU - Danmarks Tekniske Universitet siuuttoralugu nunatsinni sanaartukkat pillugit ilisimatusartitsiniarpoq:**a. Nunatsinni nunaqavissut misilittagaat atorluarumallugit nunatsinneersunik nunaqavissunik peqataatitsisoqarniarnerpa? Nunaqavissut peqataatinneqarnissaat angujumallugu Naalakkersuisut qanoq pilersaaruteqarpat?****Akissut:**

Qulaani akissummi oqaatigineqareertut tulluurtumik ingerlaqqiffiusumik ilinniagaqarsimanerup saniatigut ukiuni marlunni sanaartornermi qaffasissumik misilittagaqarnissaq ilinniakkamut qinnuteqartunut piumasaqaataapput.

Sanasutut ilinniarsimasut nalinginnaasumik ukiuni sisamani inuussutissarsiutinut ilinniagaqartarput taakkunanilu ukiut marluk qaammatillu qulit ilinniarnermut atatillugu suliffimmiinnermut atorneqartarlutik. Tamanna Masterinngorniarnermut isissutaasinnaanngilaq, kisimi bacheloritut qaffasitsigisumik ilinniagaqarsimasut Masterinngorniarlutik ingerlariaqqissinnaapput.

Sanasutut ilinniarsimasoq ilinniarnertuunngorniarluni ilinniarsimannikkuni (diplomingeniøruddannelsenimut piumasaqaatit naammassiniarlugit) isissutaasinnaasumik pikkorissarsinnaavoq tamatumalu kingorna Arktisk Teknologimi Diplomingeniøruddannelsen naammassillugu. Aatsaat taamaasiornikkut Masterinngorniarnermi piumasaqaatit naammassineqassapput.

Issittumi ingeniøri ataaseq Master i Bygningsfysikinngorluni ilinniagaqarnikuuvoq. Tassa aatsaat issittumi ingeniørinngoqqaarluni inuussutissarsiutigalugulu misilittagaqqaarluni.

Oqaatigeriikkattut ilinniarnertut kittaarlugu ilinniarnertut aaqqissuussat ilinniagaqarnersiuteqarfiusinnaanngussappata inatsisitigut allannguuteqartariaqassaaq, pissutsit piusut taamaatillugit tulluurtumik ingerlaqqiffiusumik ilinniagaqarsimanerup saniatigut ukiuni marlunni sanaartornermi qaffasissumik misilittagaqarnissamut piumasaaqatit Naalakkersuisut allanngortissinnaanngilaat.

DTU/ARTEK-ip Kalaallit Nunaanni illut assigiiaat (typehusit) pillugit ilisimatusarneranut atatillugu ilisimatusarnermi suliniummumut aallarteqqammersumut ABC-mut kalaallit illuisa assigiiaat nutaanerusut sanaartukkallu allat assigiinngitsutigut Kalaallit Nunaanni sanaartornermi "best practice"-imik takutitsisunik ilanngussaqarpoq. Ilisimatusarnermi suliniut ABC sumiiffinni ilisimasanic katersuivoq. Inissiani illup iluani silaannamik uuttortarfigineqartuni ineqartut apersorneqarput. Masantimi Inuplanimilu allanillu sumiiffinni ilisimasaqartunik ujartuisoqarpoq. Namminersorlutik Oqartussat kommunillu suliniummi peqataapput, tassa taakkunani teknikerit tassaammata sumiiffinni ilisimasallit.

DTU Byg / ARTEK aqutsisoralugu Aalborg Universitet, Ilisimatusarfik allallu suleqatigalugit suliniut ingerlanneqarpoq, oqaatigineqareertutullu kalaallit arlallit suliami akuutinneqarput.

Taamaammata suliaqarfimmi ilisimatusarnikkut sumiiffinni ilisimasanic immikkullu ilisimasanic ilanngussisoqalereerpoq.

Inussiarnersumik inuulluaqqusillunga



Vivian Motzfeldt